

OFLAF

Depart:

Mer maachen eis elo a kleng Gruppe vun 3-5 CaraPio op e Wee vun (6-10km). Um Wee maache mer 6 Pause mat all Kéier enger spiritueller Aufgab. Der kritt och Impulser fir um Wee ze iwwerleeën oder zesummen ze beschwätzen.

Dobäi beschäftege mer eis mam Guide-Scoutsgesetz. Dëst gouf vum Baden Powell, dem Grënner vun de Scouten, selwer geschriwwen, viru méi wéi 100 Joer a mat der Zäit a vill Sproochen iwwersat un di aktuell Sprooch ugepasst..

Aufgab fir um Wee:

- Während dem 1.Deel vum Wee, sollt der iech iwwerleeën, wéi eng Reegelen der bei de Guiden a Scoute kennegeléiert hutt, fir gutt zesummen eens ze ginn
- Diskutéiert zesummen, wéi eng der als sënnvoll erlieft hutt, wéi eng éischer net? Firwat?
- Op der 1.Statioun, wäerte mer austauschen, wat di eenzel Gruppe erschafft hunn

-

1.Statioun:

- Ofwiesselend nennt all Grupp 1 Regel, déi hinnen agefall ass, a wat si dovun halen
- Di aner soen, ob si déi och haten a wat si dozou wichteg fannen
- Elo kritt all Participant eng Tabell mam Guide-/Scoutsgesetz a Beispiller vu konkrete Situatiounen
- Jidderee sicht sech 2-3 Situatiounen, iwwert déi e besonnesch nodenke wëll

Aufgab fir um Wee:



- Probéiert 10 Min ouni ze schwätzen, just fir iech selwer ze decidéiere wéi een Abschnitt vum Gesetz bei de verschiddene Situatiounen zum Asaz kënnt (schreift di passend Zuel an d'Këscht virum Beispill) a wéi een da soll reagéiere fir et ze respektéieren
- Dono kënnt der är Ideen austauschen

-

-

2. Statioun:

Austausch:

War der iech eens wéi e soll reagéieren oder hat der ganz ënnerschiddlech Proposen?

War eng Situatioun derbäi, déi iech besonnesch schwierig erschéngt huet? Iwwert déi der mat engem anere Grupp, de(r) Chef(taine) wëllt diskutéieren?

Aufgab fir um Wee:

- Elo sollt der iech selwer anere Situatiounen a méiglech Reaktiounen ausdenken
- Gitt zu 2 an 2 a beschwätzt wat iech afält, di eng fir Beispiller 1-5 , di aner fir 6-10

-

3. Statioun:

- All Grupp kritt 10 faarweg Kartonsträifen (pro Grupp eng aner Faarf) a Wäscheklamere vun 1-10 nummeréiert





- Da gëtt opgeschriwwen,- eng Kaart pro Punkt vum Gesetz (mat de Klammeren nummeréieren, net op der Kaart!) - mindestens 1 Propose, et däerfen der och méi sinn
- Wann all Grupp fäerdeg ass, stéckelen se hier Kaarten an tauschen se mat engem anere Grupp
- All Participant kritt 2-3 Kaarten

Aufgab fir um Wee:

- Liest d'Beispiller - zu wéinegem Punkt vum Gesetz kënt dat passen?

-

4.Statioun:

- Lo huet all Grupp eng Serie Beispiller vun enger anerer Grupp. Si sollen se nees dem deementsprieche Gesez zougeuerdent ginn a mat der Klammer mat der Nummer markéiert ginn.
- Da gëtt nach eemol zesumme gekuckt, ass dat wat mer och haten? Si mer mat hinnen d'Accord? Ass alles verständlech?

Austausch am grouse Grupp: (10min)

- Wou war der iech eens?
- Wou waart der net mam anere Grupp d'Accord oder huttt Froen zu hiren Aussoen?

Aufgab fir um Wee: (den offizielle Versprieche text och matginn)

- Elo kuckt jiddereen sech nach eemol di eenzel Punkten un: wat halen ech meeschtens an? Wat ass mi schwéier?
- Ass eppes derbäi, wat ech a mäin Versprieche text wëll abauen an am nächste Joer méi bewosst oppassen, dat anzehalen?





- Da lies den offiziellen Text vum Versprieche duerch.
- Wéi passen ech den Text fir mech a mäi Liewen un?

6.Statioun:

Austausch an de Gruppen:

- Ass dëst Gesetz fir dech ustriewenswäert oder sinn do och Punkten, wou s du sees, dat kann/wëll ech net anhalen/ustriewen? Ass net méi zäitgeméiss?
- Ass dat Gesetz just während de Guide - a Scoutsaktivitéite gültig oder och am Alldag?

“Stick to your Scout promise always - even after you have ceased to be a boy - and God help you do it.”

– Sir Robert Baden-Powell

« Soyez toujours fidèles à votre promesse même quand vous serez adultes. »
Robert Baden-Powell ; Le dernier message avant 1928.

Beim Scoutsgesetz handelt et sech, anescht wéi bei anere Gesetzer, net em eng Virschrëft oder en Zwang. Et gëtt keng Strof, wann een sech net drun hält. Vill méi geet et dorëms, op seng perséinlech Aart a Weis ze probéieren, ëmmer säi Bescht ze dinn an di aner ze respektéieren an ze ënnerstëtzen.

Sech un d'Scoutsgesetz ze halen, wou ee kann, ass e wichtegen Deel vum Versprieche, dat ee géigeniwwer sech selwer a senge Matmënsche mécht. Dëst mécht een offiziell zu engem Member vum Scoutsmouvement, sief et lokal am Grupp, national an der Federatioun oder weltwäit am Scoutismus.

Schluss :





Ukommen ob enger besonnescher, flotter Plaz, wou zesummen d'Vespriechensfeier stattfanne wäert, wa méiglech ronderëm e Lagerfeier.

An dono picknickt, gegrillt, zesumme giess, ... gëtt

Verspriechensfeier:

- Lidd sangen (oder lauschteren) ZB „Wou Scouten zesumme sinn“
- Aleedung vum Chef:
 - Bedeitung vum Versprieche: vollwäertege Member vum Verband ginn a d'Reegelen a Wäerter akzeptéiere – probéieren sech selwer weider ze entwéckelen a sech dofir Zieler setzen
 - Fräiwëllegt
 - An all Branche eemol, awer di aner sollen och iwwert hiert Versprieche nodenken, wat ass mer gutt gelongen, wou hat ech Schwierigkeiten? Krut ech se iwwerwonnen oder wou fannen ech Hëllef? Sichen ech mer nei Zieler?
 - ...
- Virstelle vun de Kandidaten, déi haut d'Vesprieche maachen
- Zur Rou komme mat engem Lidd oder Musek
- Lauschtere vun engem Ausschnëtt aus dem B.P. sengem Abschiedsbréiw:

“Liebe Pfadfinder!

... Ich liege zwar noch nicht im Sterben, aber der Tag ist nicht mehr fern. Darum möchte ich noch ein Abschiedswort an Euch richten. Denkt daran, dass es meine letzte Botschaft an Euch ist, und beherzigt sie wohl.

Mein Leben war glücklich, und ich möchte nur wünschen, dass jeder von Euch ebenso glücklich lebt.

Ich glaube, Gott hat uns in diese Welt gestellt, um darin glücklich zu sein und uns des Lebens zu freuen. Das Glück ist nicht die Folge von Reichtum oder Erfolg im Beruf und noch weniger von Nachsicht gegen sich selbst. Ein wichtiger Schritt zum Glück besteht darin, dass Ihr Euch nützlich erweist und des Lebens froh werdet, wenn Ihr einmal Männer (und Frauen) sein werdet.

Das Studium der Natur wird Euch all die Schönheiten und Wunder zeigen, mit denen Gott die Welt ausgestattet hat. Euch zur Freude. Seid zufrieden mit dem,





Lëtzebuenger
Guiden a Scouten
EAS

was Euch gegeben ist, und macht davon den bestmöglichen Gebrauch. Trachtet danach, jeder Sache eine gute Seite abzugewinnen.

Das eigentliche Glück aber findet Ihr darin, dass Ihr andere glücklich macht. Versucht, die Welt ein bisschen besser zurückzulassen, als Ihr sie vorgefunden habt.

Wenn dann Euer Leben zu Ende geht, mögt Ihr ruhig sterben im Bewusstsein, Eure Zeit nicht vergeudet, sondern immer Euer Bestes getan zu haben.

Seid in dem Sinn 'allzeit bereit', um glücklich zu leben und glücklich zu sterben.

Haltet Euch immer an das Pfadfinderversprechen, auch dann, wenn Ihr keine Knaben mehr seid.

Euer Freund

Baden-Powell of Gilwell."

- Erklärung vum der Symbolik vum Ushloen (cf hei dënner)
- 2 CaraPio halen de Fändel tëschend sech un. De Chef steet virdrun a schléit un. De Kandidat stellt sech derhannert, leet di lenks Hand drop a schléit mat der rietser Hand un. Da seet e säin Text vum Versprechen
- All CaraPio an d'Chef äntweren him: „Mer versprieche dech dobäi ze ënnerstëtzen.“ An e kritt vum Chef säi Verspriechebadge iwwerrecht.
- Wann all Kandidaten hiert Versprieche gemaach hunn, nach e Lidd als Schluss zB de « Chant de promesse »





Lëtzebuenger
Guiden a Scouten
EAS

- Da mat engem gemeinsamen lessen/Snack ofschléissen

D'Symbolik

D'Symbolik spillt bei der Engagementsfeier eng ganz wichteg Roll. Dës muss awer souwäit wéi

méiglech erkläert gi.

- Beim "Ueschloen" symboliséieren déi dräi mëttelst Fangeren déi dräi Prinzippe vum Verspriechen: (d'Verantwortung vis-à-vis vu sech selwer, vum Matmënsch, vu Gott): den Daum, deen de klénge Fanger hält, symboliséiert, datt dee Staarken dee Schwaache beschützt.
- D'Guide/Scoutszeechen ("Ueschloen") gëtt op der ganzer Welt vun de Guiden a Scoute beim Verspriechen - an och emol soss - gemaach. Et erënnert äis drun, datt mer an alle Länner iwwer 25 Milliounen Schwëstere a Bridder hunn, déi no deem selwechte Gesetz liewen.
- D'Kandidaten/Kandidatinne gi nom Versprieche felicitéiert mat der lénker Hand, well dës vum Häerz kënnt. A ville Verbänn ass et de Gebrauch, datt d'Guiden/Scouten sech ëmmer mat der lénker Hand begréissen.
- De Krees symboliséiert d'Gemeinschaft ënnerenaner: keen ass méi oder manner wäert ewéi deen aneren.
- Jiddereen, deen d'Veerspriechen ofleet oder d'Engagement hëlt, kritt dat entsprechend Verspriechensofzeechen iwwerrecht. Et gëtt op déi riets Täschen vum Uniformshiem gebitt
-

